

## **Phreasráiteas**

**Áiríodh Bord Oideachais agus Oiliúna Thiobraid Árann sa chéad tráinse de 13 thionscadal caipitil a bheidh le maoiniú faoi chlár caipitil nua don earnáil Breisoideachais agus Oiliúna a d'fhógair an tAire Harris, ar an 26 Lúnasa.**

D'fhógair an tAire um Breisoideachais agus Ardoideachais, Taighde, Nuálaíochta agus Eolaíochta (BATNE) Simon Harris, TD Dé hAoine, an 26 Lúnasa go bhfuil BOO Thiobraid Árann le cur san áireamh mar cheann de 13 thionscadal a mhaoinítear sa chéad tráinse d'infheistíocht chaipitil faoin Scéim Bhreisoideachais agus Oiliúna (BO) Ciste Uasghrádaithe an Bhonneagair Straitéisigh.

Dúirt Clr. Roger Kennedy, Cathaoirleach Bhord Oideachais agus Oiliúna Thiobraid Árann (BOO Thiobraid Árann) go raibh sé “Fáilte roimh fhógra an mhaoinithe, a chuirfidh ar chumas BOO Thiobraid Árann ár n-áiseanna a uasghrádú agus an soláthar atá ar fáil i dThiobraid Árann a leathnú. Táimid ag tnúth le fáilte a chur roimh an Aire Harris ar ais go Thiobraid Árann sna seachtainí amach romhainn nuair a fhógróidh sé sonraí na dtionscadal atá maoinithe sa chontae.”

Mhínigh an tUasal Bernadette Cullen, Príomhfheidhmeannach Bhord Oideachais agus Oiliúna Thiobraid Árann, “Is céim shuntasach chun cinn é BOO Thiobraid Árann a áireamh mar cheann de na 13 thionscadal atá le maoiniú sa phlean straitéiseach fadtéarmach do Choláiste Breisoideachais agus Oiliúna na Todhchaí i gContae Thiobraid Árann. Tá Bord Oideachais agus Oiliúna Thiobraid Árann ag tnúth le leanúint ar aghaidh ag cur lena chlár lánaimseartha agus pháirtaimseartha do mhic léinn ó Leibhéil 1-6 ar an gCreat Cáilíochtaí.” Tá BOO Thiobraid Árann ag obair go gníomhach i gcomhpháirtíocht le SOLAS go náisiúnta, le Comhairle Contae Thiobraid Árann agus le TUS chun bealaí soiléire forchéimnithe a fhorbairt do mhic léinn.

Dúirt an tUasal Colin Cummins Stiúrthóir Breisoideachais agus Oiliúna “Is forbairt spreagúil é seo do Bhord Oideachais agus Oiliúna Thiobraid Árann agus do mhuintir Thiobraid Árann. Ligfidh soláthar an mhaoinithe caipitil seo dúinn ár n-áiseanna a uasghrádú agus a leathnú, ag cinntiú gur féidir le BOO Thiobraid Árann suíomhanna ardcháilíochta a sholáthar le haghaidh breisoideachais agus oiliúna, le hacmhainn mhéadaithe d'fhoghlaimeoirí fásta”